



養浩堂續集卷二

養浩堂藏書

早稲田大学図書館

文書 27

E 63



養浩堂詩集卷二

羽前 朱澤 宮島誠一郎 栗香著

癸未二月二日初雪

天寒釀雪雪方成忽逐迴風吹滿城昨夜綿衾疑潑
水今朝窗紙覺增明婆娑宛作飛花態蕭瑟時聞折
竹聲有約未能高枕卧出門一望萬林清

二月八日大雪用蘓東坡韻

曙天猶未聽啼鴉門外聲傳來往車安得健童除積
雪漫言萬木盡開花奇寒乍返翹街酒一白將封鶯
谷家思霽遠同坡老興新詩欲賦于先父

鶯谷地在

二月十五日張沆導岷招予及中村敬宇於紅葉館勸飲莊吉雲陳養原藍華軒劉子振梁縉堂謝芷泉楊惺吾來會為賦一絕

一堂詩酒意相親不問江南梅柳新舞罷紅雲歌白雪座中自有十分春

二十一日又雪訪吉井三峯再用义字韵

晚風翻白大如鴉著屐泥塗不用車來問閉門高卧士得看經臘半開花除詩與畫無他好併雪兼梅在一家明燭紅爐忘夜冷兩人相對手同义

二十三日陳養原招飲紅葉館同會者余及中

村敬宇莊吉雲張導岷楊惺吾梁縉堂謝芷泉藍華軒羅寶森十人賦此記興此日天雪

紛陳絃管雜觥籌佳士如雲盡勝流飛雪春迷紅葉館花枝滿座酒相酬

把君詩趣醉題樓休笑道送終日留鴻雪有痕隨處印本來天地一浮漚

三月八日莊吉雲招飲湖月樓吉雲有東遊詩大小二百扁賦之以贈

樽酒同歡興不窮湖樓相對醉春風詩才妙悟雕蟲秘文氣雄誇縛虎功遠涉山川心愈壯通題花月筆

尤工夜來恰好聞微雨欲折梅枝賦小紅
惱人春色意何窮半醉還醒檻外風情重須知花有
罪愁深更覺酒無功鴻泥印跡原非偶湖月題樓惜
未工此夕夢遊燒燭短引杯同賞海棠紅

四月一日黎統齋君餞莊吉雲於紅葉館為賦

二律贈別

恨我孤吟雨後蛩驚君出語入風松詞壇隨處頻張
幟筆陣何人敢鬪鋒向島櫻花收在袖大都文物卷
藏胸欣然唱和為心契墨水芝山幾度逢
挑燈幾度話襟胸興正酣時愁正濃今夜銷魂傷遠

別他年快意喜重逢強斟紅葉樓頭酒怯聽綠山寺
裏鐘墨水花開君不見春風回首嘆萍蹤

四月三日抵橫濱同陳養原餞莊吉雲於千歲
樓曰此行經西京而歸為贈

千歲樓頭勸酒卮橫濱分手雨如絲知君作客西京
日正是嵐山花發時

七日張袖海招飲席上贈姚子梁

花氣撲樽春釀香未曾一日不飛觴與君同詠還同
醉誰識詩狂是酒狂

觀向島櫻花歌 有序

今春二三月天氣不佳雨雪寒甚向島上野
頃遲花候余住東京十六年未有如今年春
事淒涼者茲以四月十七日知花期已到往
遊向島櫻花盛開爛熳如雲乃誦樂天開遲
花養艷之句嗟賞不止翌十八日再遊擬賦
長篇因循未成至二十日清國公使黎純齋
君有書曰櫻花雖放而唵容寥々恐負此一
段春光也余亟續之以償詩責工拙非所計
爾癸未四月

向島櫻花天下名天亦恰放三日晴我將適郊問芳

訊足未出戶神先行二月三月多雨雪奇寒勒春何
峭絕餘風一夜鼓羣英有如駿馬縱奔逸長橋跨空
墨水開觀花士女傾城來試上高堤一騁目千株萬
株花為堆遠疑自雲近紅霞單葩重瓣爭紛華不數
嵐山與芳野但觀向島難為花東方久鍾清淑氣櫻
花獨擅花中貴芳菲爛照墨江天似為 聖朝呈靈
瑞我今對酒須長歌花不待人奈花何一年春色在
今日那堪明朝風雨多

五月二十日長岡議官邀黎公使純齋陳領事
養原於濱町別業 小松北白川二親王被臨

黎陳皆有詩余亦效顰賦一絕

耳熱主賓肝膽傾江樓置酒此宵情燭光射水三千丈照到魚龍不敢驚

六月一日副島先生招飲與方子聽和主人酌大筆鴻辭獨讓君開蒙誘我致慙慙不將綺語趨時好擲地鏗鏘金石文

右大臣從一位大勳位岩倉具視公病危篤

皇上遽幸其第親問病狀憂感之餘賦詩記

實七月十九日也

七月十九日天陰日無光右大臣危篤

聖駕遽啓行問病幸其第執手臨其牀

龍顏淚垂玉宸襟深憂惶嗟公

帝所感卓哉國棟梁王業艱難際夙繫蒼生望一

身擔不顧社稷共存亡斷行鬼神避為國立綱常

延賢能接士吐握日無違黽勉補衮職宜矣寵榮

長何為惟斯疾旻天苦元良飲食不下咽湯藥千無

方猶鼓將絕氣遺策獻幾章一是為王室典謨要

顯彰此氓王赤子此壤王舊疆神州日所出萬

古尊一王次之善隣好帶水一葦航唇齒宜膠漆

撫弱復綏強况是同文俗相戒莫參商言々皆肺腑

語々悉琳琅終身在家國未曾一息忘公在

帝心喜公亡

帝心傷臣析公病起正笏侍

帝傍

七月二十六日輓大勳位贈太政大臣岩倉公

靈柩葬鯨洲海晏寺

嗟天何不吊溘然喪元良

天子為震悼百姓皆悲傷偉哉中興業煥乎日月光

永留英爽魄鬱々

帝城傍

梅塘宅題三峯諸老合作畫

樹密雲常濕山深水自清小樓人避暑時有讀詩聲

八月七日邀黎純齋公使陳養原太守泛舟墨

水登向島鷗夢樓純齋先有詩余和其韻

使君氣宇敞秋天今日同舟豈偶然人事真如逆潮

櫓世論總比噪風蟬座間只可抽詞翰江上未妨聞

管絃一醉搏前須盡興新詩好向海東傳

八月十一日遊浴上州伊香保温泉取路高崎

途中作

以下二十九首
伊香保作

東方破曉卜晴天早發高崎氣爽然栢木路艱初下
馬峯林日出未聞蟬眼中劍戟攢巉岳天半雷霆吼

瀑泉咫尺伊香踰一嶺人家送在白雲邊

十二日早起湯澤散步到泉源

藥草生何處無風山自香侵晨一散步林露沾衣裳
清溪二里曲水氣生空涼不見人來去但聞彈履霜

和陳養原墨江舟遊韻却寄

昨遊墨水泛扁舟今到香山最上頭却望江城雲路
杳天風搔首嘯雲樓

憑軒手可掬銀河百尺樓頭載筆過四顧長吟天地
窄山靈嗔妬奈吾何

十五日同弟小森澤君玉兒大八到湯源殊覺

清爽

朝來散步不知忙一逕斜沿碧澗長雙岳撐天雲變
幻三人立岸意蒼茫晴曦光自脚間射爽氣吹從頭
上涼老樹橫巖苔石潤泉源此處湧靈湯

嘯雲樓偶思與黎純齋泛舟墨江因和黎君韻

却寄

嘯雲樓欲上青天浴罷憑欄風颯然山到初秋猶有
雪時雖盛夏少聞蟬千峯嵐氣侵窗几半壑松聲入
管絃自覺此間消浴慮未妨題壁小詩傳

十六日遊榛石山二十二韻

清晨雨正晴香山朝旭出我將遊榛石興來氣騰逸
當面是高根山勢何雄拔仰望白雲飛天風吹鬢髮
上有萬頃湖眼思浩然豁群巒列其傷蛟龍所蟠屈
山行到窮處直下蒼崖裂深谷幾千尋凝積太古雪
境換隨觀改幽勝殊可悅不問近榛名挾人杉檜鬱
衆壑爭奔流怪巖互兀凸斧鑿是神工撐天剝山骨
古廟何森嚴飛甍抽木末大石歆成門寶書久藏穴
金碧燦宮殿精靈無時竭可知此山尊威德被萬物
登壇一修拜狂直長廢黜禱神應享犧牲薦芳潔
至誠感神通吾道與天壹潛心降石階林罅森白日

久聞榛石奇今日始療渴欲留石上題愧非千古筆

嘯雲樓十八日即事

嘯雲樓下晚徘徊爽氣入空秋色開佇立無端山吐
月水輪忽照上峯來

二十日夜半夢覺因憶予十九歲陪

先君子浴滑川溫泉有詩曰無日山中不倚樓
何曾百事上心頭夜深疑雨知非雨一壑泉聲
碎月流距今二十八年不勝悵然

侍父曾登滑水樓香山今又續前遊呼醒二十八年
夢月色灘聲相共愁

二十二日同弟君玉兒大八可二祝三遊玉兔
庵此日偶當予誕辰命酒以祝即陰曆七月二
日也

玉兔庵中月未昇倚欄長嘯興情騰半溪雨過泉聲
活雙岫煙晴秋氣澄偶會生辰堪酌酒好逢良夜恰
張燈香山可祝千齡壽呼弟呼兒醉不勝

香山漫吟十首

維昔 岳仁御宇年伊香此地湧溫泉誰道荒唐無
正史口碑猶有土人傳

鑿山填壑五丁勞闢得畦町巖角牢樓上架樓奇結

構一層更自一層高

樓臺高聳白雲邊人與赤城齊比肩拔地二千六百

尺香山空翠撲衣鮮伊香高千尺
光五百尺

八氏家分十四戶一區泉引幾州民近從開化通西

域來浴紅鬚碧眼人木暮島田等管理溫泉有十
四戶每年浴客四萬人許

上毛山脈扼三國形勝居然白井墟一自伊香屬長

尾遺民猶守舊田廬管領上杉氏使長尾昌賢城自
井以守伊香遺民今猶藏春狀

白井墟高木黍繁當年成敗與誰論偶然來吊雙林

寺唯有昌賢遺像存長尾景仲為雙林寺開基有遺
像四百年前之物景仲號昌賢

遺像儼然神氣存手持軍扇口如言八州守護因君

力古寺長留忠義魂足利義教將軍之下令討鍾倉

鍾倉無主霸圖休誰使兩杉爭八州末路俱亡因底持氏景仲授上杉憲實以奏功

事鷓蚌早被乞兒收足利成氏之殺上杉憲定據古河也鍾倉無

平井兼輪前後亡武田兵共北條強關東管領歸真上兩上杉構譽關東大亂北條早雲乘其虛襲奪八州

傑正氣誰當一劍霜武田晴信滅兼輪北條氏康滅

後以管領職讓長尾輝虎公公肩土

猿澤猿啼不耐聞流風回首淚紛紛只今唯有上山

月依舊照來關屋雲猿澤猿上山月關

伊香保古風并序

予頃浴伊香保溫泉適讀萬葉集有伊香保

歌其意雖未可盡解每首皆言男女之際猶
如讀漢土國風之詩蓋性情根于自然咨嗟
詠歎發為詞章東西無以異也因倣歌意賦
古風七章不知果得其情否

其一

伊香何在山之阿道路悠遠雲雨多美人如花不可
見望雲惆悵空長歌上有丈夫山下有吾孀河白雲
起兮綠水波夢魂飛時思欲斷吾孀吾孀如汝何夫

山指男子山吾孀指吾妻川

其二

伊香安在野曠山深雲霧掩地荆棘成林有美一人
在幽谷濤我欲往從無路可尋翠裙倚竹素手彈琴
清風自至明月來臨高山流水孰為知音莫彈古調
俯仰傷心

其三

伊香之井如九淵吐出長虹橫絕天虹雙出人爭觀
與子况汲同井泉一指難蔽萬人目只當合歡連臂
眠井中之虹有時滅香水滔滔終不竭

其四

伊香之沼生杜若葉尖花紫何綽約誰憐此花無所

依隨波自開還自落五月六月花方新莫採芳根向
水濱至竟妬花人何限花如有識嗔未嗔

其五

伊香之嶺雷鳴多此時湖上誰敢過黑雲掣電雨滂
沱蛟龍移窟風翻波伊香今夜奈儂何

其六

伊香之風有時吹妾思_君兮無斷時伊香之風有時止
妾思君兮無窮已君不來妾心悲妾心悲君不知

其七

伊香之雪漫天積赤城黑髮變為白昨夜寒風動榛

林枯茅斷倒乳狼跡寄語阿儂無離家雙嶽雖好休

輕過

赤城黑髮雙嶽皆山名

二十三日夜深起坐

獨坐高樓上更深露濕衣千山萬籟寂片月半峯飛

二十七日早起昨夜半冷甚大抵伊香之地氣候不定忽熱忽寒日間衣用單袷夜間乃代用單被綿被老幼到此者容易感邪雖壯年之輩不能無戒心

一被重綿一被單半宵畏熱半宵寒平明未敢呼兒

起抱子峰從枕上看

抱子峰山名

癸未十月九日當重陽佳辰清國黎公使純齋邀兩國文士於使館修奠酒之會凡二十一人賦詩作文洵屬盛事余亦倣顰以賦長篇

去年登高東叡山丹楓照日開酡顏今年又逢奠酒會黃花延客醉霞關霞關東武地高爽上有層樓容萬象滿城風雨放新晴眺遠山河供指掌清國使者何雄豪此邦方久建節旄朱簾高捲蓮峯雪玉檻俯臨芝海濤言是佳辰值重九例張盛宴迓賓友不說落帽孟參軍不羨白衣陶潛叟一堂相集露膽肝嘉肴旨酒陳杯盤我邦舊倣漢唐式醉把茱萸同盡歡

登高賦詩大夫事誰向牛山空墮淚樽俎之間見禮
容嗟君不負皇華使商飈館戲馬臺當時英雄安在
哉講武論文各令古當筵且盡菊花杯

重陽宴後經十日姚子梁見示和東坡黃樓韻
之作予嚮賦長篇贈黎公使興情未已今又和
之再贈公使并酬子梁

雪泥鴻爪何須說秋風又見黃花發今年重陽似去
年天收風雨泥滑々使君有約不敢違命駕莫嫌污
鞞鞢西樓宴共霽色開衆賓就座杯千呷殊方異味
羅膳羞且謝移菊手採錦中庭爛熳花滿盆此時天

地霜初殺蓮峯白雪摩青霄海寺紅楓標古刹倚樓
眺遠目力窮哀鴻度空聲咿軋吁嗟使君文章夙馳
名千鈞之筆氣先壓登高賦就令人驚誰敢一字評
疵齧我輩斗屑何足數紛紛々為群如鷺鴨明年重九
又見邀主賓皆醉談笑雪

十月十五日草堂小集副島學人來飲分韻得
麻

悲秋時節雨如麻何料門留長者車官小人先催白
髮天涼菊已放黃花夙將經濟期名世未必文章希
作家此志百年要遠大行藏有道且休嗟

甲申三月九日抵小向村看梅梅花纔放而會
天寒飛雪因賦

玉江之南小向村水清村古梅花繁此地誰歟攬其
勝種植百本彌荒園去年趁晴恣遊眺林間的皜明
朝暾今年春寒遲花候陳跡未忘來叩門老幹據地
鬱蟠屈一枝兩枝纔返魂精神全遇荒僻見氣格直
凌水凍尊樓頭一望忽叫絕江雲釀雪聊開樽寒藥
不愁和月墮暗香獨喜隨風翻斯遊好索巡檐笑花
前醉倒忘黃昏醒來花放雪亦止剩有酒意留衫痕
黃吟梅超曾君奉節使命將採詩內遊兼覽山

川之勝出示留別作即和原韻贈行

君身來自白雲鄉君名欲奪梅花香人與梅花兩清
絕令我一見神揚揚自言三載留瀛島好水好山期
一到探勝更作採風官善隣先盡親仁道東國由來
名教存鷄犬桑麻俗尚敦經壁未燒秦劫火君來湖
委還窮源此行不愧皇華使畫中之禪詩中史江山
他日遍留題兩國之交從此始

暮春席上贈黎君公使薤齋

江城春將暮殘櫻花如雪何以慰此愁唯有杯中物
對酌同心人玉壺照明徹風雨晚來晴笑談破蕭瑟

人間幾得喪煙花一飄瞥相逢須盡歡昨日非今日
四月廿六日養浩堂雅集伊藤春畝副島學人
吉井三峰勝海舟諸公來飲此夕大風為賦五

古一篇

德星聚一堂爛然有輝光雄談倒山嶽高會非尋常
春畝王佐略補袞稱忠良學人精政治經國見文章
三峰愛民力鐵路開荒_下遊海舟眼無物嘯傲低穹蒼
嗟我才不足固宜甘退藏燕雀慕黃鵠猶欲摩天翔
~~夕~~夕大風起東海雲飛揚皇威加八極猛士守四方
隆運誠如此誰不頌樂康芳樽湛春酒明燭光煌々

何必絲與竹醉歌發清商賓主五人耳興闌夜未央

春盡日與吉井三峰飲川崎氏近水樓

櫻花如雪柳條青近水樓臺酒易醒今日三春三月
暮流鶯散好不堪聽

佐瀨得所翁七年忌賦之為追福

七年歲月使人嗟曾此臨池開絳紗得所書名喧一
世凌雲筆跡遍千家空將慧業歸黃土猶憶厖眉映
翠霞泉路文期君不見春風吹盡墨江花

偕樂園會姚子梁招飲席上和其韻

共會偕樂園酒仙與詩伯飲如吸川鯨吟比擲地石

壯哉秉燭遊擬追古人跡我本劉伯倫君希李太白
雖過桃李春正迎明月夕天地同逆旅光陰亦過客
行樂當及時銷摩幾兩屐莫笑為花顛東阡涉南陌
青年不復來黃金詎足惜酒痕浣青衫醉卧阿嬌席
達士貴大觀風流何時歇此樂不可忘坐花兼醉月

洞明園觀牡丹 并序

三緣山之南有洞明居士性頗愛花四時栽
培園中花常有而最好牡丹每年花時設酒
延客與余文最密其人似儒而非儒似仙而
非仙似佛而非佛蓋一種之達人也茲歲五

月十一日開宴於洞明園會諸子觀牡丹于
詩于畫各攄其懷可謂不負花余亦賦八絕
以贈居士云

疑從月下到瑤臺綽約神仙迎我來金縷雲裳難逼
視春風如海牡丹開
魏紫姚黃趁次新休言尤物善移人由来同氣須相
愛富貴家迎富貴春

明於殘月麗於霞不待騷人任筆誇一樣園中高品

格移從南國最名花

自大板來
者稱名品

果然甲第擅壇場誰與名花爭艷粧應是仙宮和露

種人間無復此濃香

非仙非佛是何儔陶菊周蓮本一流為愛牡丹忘食
味對花終日不知愁

參得芝山等是禪猶開花國鬪嬋娟兩乘深悟色空
理別有光明小洞天

火樹星毬不夜天名花叢裡酒如泉人間無復揚州
鶴何用腰纏十萬錢

文章經國事非難枉向明窗寫牡丹自道近來成老
境多情花在畫中看

